

光緒十六年重刊於滬上

喉科秘鑰

難產 腦漏神效

樂善印送者板存上

內附

魚骨哽喉靈符

海新北門內穿心街

秘傳 驗方

文藝齋刻書鋪

原敘

廷芳讀儒書未竟長而習軒岐
之學涉獵廿餘年每臨症兢
恐誤以是幸免尤為嘗謂病自
金鑑列十三科唯喉科為最
蓋喉為心肺肝腎呼吸之門

食言語以納之道苟患痺結身
命立傾歷覽正宗祕錄錦囊冰
鑑讀書每多備此遺波不能纓
析條明中心缺然道光康子見
吾鄉西園鄭先生杏業是科回
生歎死咸目為仙廷留心訪詢

蓋者祕本於是展轉購得凡三
晝夜抄成遇有此症按方施治
無不效者或陰陽異宜亦憑脈
增減應手而愈同治二年春廷
于役下蔡是書我竹簾中途次
遇賊倉皇奔避行李書籍捐棄

一室三年春監修泗州試院見
舟人携竹簾相售識為故物遂
購之餘物皆失是書獨存嘻異
矣是年秋偶晤句容楊君春華
渠方以重價購紫琅集喉科付
梓內載七十二症方治延讀之

惜其不詳出是書示之楊君大
喜必獲拱璧乃并刊之附廷十
年證治之驗於後剗剗既成惜
校對稍疏不免魚豕之誤延年
才缺掌塵俗未遑精繹今春稍
暇細將原板字畫改正重付梓

人并彰楊君首善之心及鄭先生救世之術且望海內君子留心習此俾斯民咸登仁壽而不致有夭折之歎則是書之失而復得所係豈淺鮮哉同治戊辰嘉平月古歙許佐廷自敘

乙酉之秋

錫鑒

將別鄉井重作川游已束裝矣適謝

楓橋世丈攜其甲申重刊喉科秘鑰數卷來贈閱之
以爲可備醫術之一條受而藏之行篋中猶未以爲
寶也仲冬行抵成都寓居江西客館未幾會垣喉症
驟起交春傳染益多勢凶且速旦夕傷人羣醫束手
鄉親董姓一家旬日中兄弟子姪連斃四命罹禍倍
酷鑒因憶及秘鑰出一卷以示人僉謂川省刻有紫
珍集及白喉經驗良方行世而是書實未曾見觀其
按症用藥縷析條分簡明且備自是善本盍卽重梓

以廣其傳而同鄉謝君丹墀踴躍助資慇懃尤力遂
付剞劂氏卽日開雕因念此書其來也謝致之其刻
也謝創之然則二君者殆與蜀人士有緣將躋之於
壽域歟不有善人如生民何不有良方如險症何事
機輻輳非偶然也鐫版將竣緣略述其重刻之由如
此云

光緒十二年歲次丙戌春三月山陰周錫鑒敘

右手五穴部位



左手五穴部位



少商穴手太陰肺經在手大指內側去爪甲角壹分宜以三稜
針刺之留一呼出針。

商陽穴手陽明大腸經在手食指內側去爪甲角壹分針壹分
留壹呼出針。

中冲穴手厥陰心包絡經在手中指端去爪甲壹分陷中針壹
分留三呼出針。

關冲穴手少陽三焦經在手無名指外側去爪甲角壹分針壹
分留三呼出針。

少冲穴手太陽小腸經在手小指內側去爪甲角壹分針淺壹
分出針。

喉科秘鑰總目

上卷

喉症要說

喉症歌訣

喉症方藥

下卷

喉症圖說

喉症補編

附錄

難產神效方

雲母粉一兩紹酒一鍾調服卽下

雲母粉恐藥店未必有須向顏料店中購之

腦漏神效方

石首魚腦

煨透研末

絲綿

燒存性研末

用絲綿包裹塞鼻中卽愈

魚骨哽喉靈符

八寶雲膏

畫水上飲之立愈

喉科秘鑰 上卷

喉症要說

古歛

西園鄭氏原齋

許佐廷樂泉增訂

喉有二孔。左爲咽。屬胃。納食之關。右爲喉。屬肺。納氣之關。口內上腭屬胃陰。下腭屬脾陽。舌之中屬心。四圍屬脾。舌根亦屬心。小舌又名帝丁。屬胃。喉之左右舌根屬肝。外兩耳垂下亦屬肝。牙根上屬胃。下屬脾。內經云。一陰一陽結謂之痺。一陰者。手少

陰君火心主之脈氣也。一陽者手少陽相火三焦之脈氣也。二脈共絡於喉。氣熱則內結。結甚則腫脹。脹甚則氣痺。痺者不仁之謂。乳蛾喉閉纏喉風等症皆名曰痺。有風寒火濕毒虛之別。如腫而多痰風也。淡白而牙緊風寒也。色紫不腫而爛者風伏寒也。紅腫而脈浮者風火也。爛而不腫脈沈實者毒也。脈細數而浮者虛火也。細緩者虛寒也。或風火相搏。或寒暑相雜。其症不一。變幻多端。依此類推可也。而診脈右寸洪豎者肺風也。兩關浮數

者胃火肝風也。左寸浮洪者心火也。右寸沈遲者肺伏寒也。沈數者肺伏熱也。右尺洪大三焦火旺也。浮洪而無力者腎虛火也。可總用六物湯加減。遇凶險之症。細診六脈。復察形窮源。對症用藥。自然可愈。經云神聖功巧。不過望聞問切。若天柱倒陷。面黑色焦。鼻如烟煤。張煽不定。目睛突出。汗發如雨。咽喉乾痛。聲啞。手足膝蓋發麻。發喘及呃。脈息如絲。皆死症也。

凡舌胎白主寒。黃主熱。焦熱甚黑。熱極然亦不單論。